

中國東方文化研究會歷史文化分會策劃
四庫全書存目叢書補編纂委員會編纂
北京愛如生文化交流責任有限公司贊刻

四庫全書存目叢書補編

齊魯書社出版

中國東方文化研究會歷史文化分會策劃
四庫全書存目叢書補編纂委員會編纂
北京愛如生文化交流責任有限公司贊刻

齊魯書社出版

四庫全書存目叢書補編

第六八冊

補編第六十八冊目次

永樂大典二萬二千八百七十七卷（存七百四十二卷）

目錄六十卷（十一）

〔明〕解縉 姚廣孝等編
類書叢編影印明鈔本

永樂大典二萬二千八百七十七卷（存七百四十二卷）目錄六十卷（十一）

〔明〕解縉 姚廣孝等編
類書叢編影印明鈔本

永樂大典卷之一萬一千九百七十八卷

卷一萬一千九百七

廣州府三

風俗形勢

廣州府圖經志大庾以南廣州為甲郡地大民夥賈胡雜居土野沃饒漢史云人性輕悍箕踞椎結蓋百粵非聲教所暨故其習俗與中州殊然自漢末建安至于東晉永嘉之際中國人避地者多入嶺表子孫往往家焉自是以來其俗尚漸染華夏稍變於古昔而廬舍未有中州之制至唐宋璟為廣州都督見民廬皆茅竹所葺時被火災遂民陶瓦築堵列肆越俗始知棟宇之利及觀韓退之送竇平序曰唐有號令所加無異於遠近民俗既遷風氣亦隨是以人之之南海者若越衣冠之習大異於古音矣若夫舊俗相因無所更改去必以檳榔蓋因地所有或飾以絲花或雜以香藥故當委禽親喪多泥佛老修冥福葬者設具待客於殯側謂出於親友之相助者墓祭以清明節為候居民各

其豐儉。盡一月乃止。春秋二社。民俗醖錢。

烹豚醢酒以祭

以蜆菜魚肉雜

煮之。環坐鼎傍。侑酒而食。謂之暖寒。俚語

所謂骨董羹是也。村市所在謂之墟。

言有人則實。無人則虛

販小民。期

於旦集。謂之販虛。登民以漁釣為生。或居於

為蓬屋以居。謂之水棚。廬亭舊傳廬

循遺種。在州東南

藤

業。男女皆推

結于頂。婦女許婚及已嫁者。始結習帶。水

謂之步。柳子厚所謂舟可縻而上下者。凡施習所

二

在曰習步。渡船所在曰船步。今城外名步者。如

監步。規步之類。港之淺隘處曰窖。如水母窖。鷄

鴨窖之類。聚物為市曰欄。如米欄。魚欄之類。是

也。度嶺以南。廣州為會府。唐以來總攝五管。韓

子云。連山隔其陰。鉅海蔽其陽。其地勢雄。南

服可知也。以言其山。蓋自衡山南轉於九疑。為

五嶺。又自度嶺東南至羅浮。逶迤曲折而萃于

白雲山。一峯橫峙如巨屏屹立。障遏于州後。蓋

是州之主山也。至於抱旗峙於前。越臺聳於後。

左則虎頭諸峯。過海道之衝。右則曹幕之山。成

羽翼之勢。以言其水。則自衡陽南微諸水至桂

沿流而下。昭梧。又自牂牁歷融柳而南。合宜邕

容之水。東流入于灘江。至梧而會。又自鬱林之

南流經容。亦匯于梧。三江並自梧合流。經封康

端出高要峽。至廣入于海。此西江之源委也。其

東則自循州歷河源過博羅而出於扶胥。其北

則自度嶺順流而下。雄韶英而出清遠峽。其南

則自海洋隨潮而入。千派萬折。皆會州治之陽

此又北東南流之合聚也。故視他州得為重鎮

焉。郡縣志前漢地理志云。民皆服布。如單被穿

三

中央為貫頭。男則耕農種禾稻芋蕒。女子桑蠶

織績。兵則无盾。及木弓。弩竹矢。或骨為鏃。隋地

理志云。自嶺以南。二十餘郡。大率土地下濕。皆

多瘴癘。南海交趾。各一都會也。並所處近海。多

犀象珠玕。故商賈至者多取富焉。其人性

並輕悍。易興逆節。椎結箕踞。乃其舊風。其俚人

則質直尚信。諸蠻則勇敢自立。皆重賄輕死。唯

富為雄。巢居崖處。盡力農事。刻木以為符契。言

誓則至死不改。父子別業。父貧乃有質身於子。

並鑄銅為大鼓。鼓初成。垂於庭。置酒招同類。有

豪富子女。則以金銀為大釵。執以叩鼓。乃留遣主人。名為銅鼓釵。俗好相殺。欲相攻則鳴此鼓。到者如雲。有鼓者號為都老。本尉佐於漢。自稱蠻夷。長老。夫故俚人。猶呼所尊為倒老也。言訛故又稱都老云。唐韓愈送鄭序云。嶺

之南其州七十。其二十二隸嶺南節度大府。隸府之州。離府者至三千里。蠻夷悍輕。易怨以變。其南州皆岸大海。控御失所。依險阻。仇黨機毒。矢以待將吏。其海外雜國以萬數。或時候風潮朝貢。蠻胡賈人船交海中。若嶺南帥得其

四

人。則一邊盡治。不相寇盜賊殺。外國之貨日至。故選帥常重於他鎮。又送賓平從事序云。踰阨閭而南。皆百越之地。於文其次星紀。其星牽牛。連山隔其陰。鉅海蔽其陽。是皆島夷卉服之民。氣之殊。著自古昔。唐之有天下。號令之所加。無異於遠近。民俗既遷。風氣亦隨。霜雪時降。疫癘不興。瀕海之饒。固加於初。是以人之於南海者。東西州。寰宇記云。爰自前代及唐。多委舊德重臣。撫甯其地。文通經史。武便弓弩。婚嫁禮儀。頗同中夏。宋三朝國史云。尚淫祀。殺

人以祭鬼。雍熙中。申詔禁之。山林翳密。多瘴毒。人病不呼醫服藥。曾鞏送李柳州序。人少聞訟。喜嬉樂。澠水燕談云。劉銀據嶺南。置兵數千人。專以採珠為事。目曰眉川都。溺死者相屬。久之珠璣充積。及王師入城。一火而盡。藝祖詔廢媚川都。仍詔百姓不得以採珠為業。於是俗知務農矣。蔡條叢談云。古者祀天必養牲。牲必在滌。三月它牲唯魚。獨五嶺以南。俚俗猶存。今南人喜祀雷神者。得謂之天神。祀天神必養大豕。目曰神牲。則莫敢犯。養之百日始取而祀之。又凡

五

祭祀之禮。既降神而後呈牲。於是主人者同巫覡。共殺之。迺昇諸庖烹而薦之。傳謂禮失求諸野。信然。元一統志越臺之俗。蠻賈雜居。余襄公靖到任謝表云。秦漢以來。號為都會。俗雜五方。余靖羅漢記云。婚媾之禮。用桮檮以當委禽。後以銀帛為定。番禺志云。喪葬必盛肴饌。名聞齋以待送客。多至千百人。有罄竭家產者。官司禁戢不能止。冬寒則雜介菜魚蝦蜆煮菜於釜中。環坐其旁而食。名曰邊爐。東坡蘇公與陸道士詩曰。所謂盤遊飯。骨董羹。即此。五嶺

之南人雜夷獠。不知教義。以富為雄。通典云。

南海一隅。冬無積雪。秋涼亦有微霜。太平環宇

記云。山海皆有田。山田用力如中州田。潮汐一

再至。不煩溉灌。地有瘠瘠。古無酒禁。家自為釀。

魯國先生唐庚。字子西。嘗有詩云。潮田無惡歲。

酒國有常春。蓋記其實也。番禺續志云。海接

島夷。自唐始通大船。蠻人雲集。商賈輻輳。至今

賈蠻自外番來者。謂之少唐。番禺續志云。漁

有二種。內海港汊千百。漁者曰雙。猶習衣冠。韓

詩所謂馬人龍戶也。海外浩渺無邊。漁者曰盧

亭。推髻犢鼻而已。相傳晉寇盧循之遺種也。南

海實筦擁之地。有金珠貝甲脩牙文犀之貨。唐

劉蛻獻南海崔尚書云。一種蠻獠。山河

刀耕火耨。不輸賦調。居山谷間。時能為寇。圖經

云。東莞其俗。或以蓮花菖花造醞。酒謂

之老酒。新圖經云。東莞近海瀕。上潦下濕。有

瘴。土人多嗜檳榔。薑葉灰咀以避之。新會其

地廣莫。俗尚珥筆。土產嘉禾勁植。海有膏田沃

壤。倉廩舟楫多取給。山居者苦瘴癘。海濱者多

潮汙以疏其惡。大抵與南恩州同。黃茅瘴。按

六

五代史。成納鎮荊門。與宰相徐彥若不平。街之。

連彥若鎮南海。過江陵。納思嶺外有黃茅瘴。患

者髮落。過謂彥若曰。黃茅瘴望相公保重。彥若

答曰。南海黃茅瘴。不死成和尚。蓋譏僧也。納

甚愧。香山為邑。海中一島耳。其地最狹。其民

最貧。其俗最。氣候恒煥。參差不齊。冬寒不

嚴。陽氣亂洩。秋冬茅甲潛垢。春夏之月。葉潛

改。諺云。四時常是夏。一雨便成秋。亦有除夜納

涼之謂。海田在西北者。當湏水鬱水之衝。積

雨之後。數千里之水奔湍而下。必有巨瀉。或歲

三四沒即退。漫久必敗田矣。廣南粵分謂之

嶺表。晏殊類要。南海之墟。祝融之宅。韓文南

海廟碑。廣州負山。包帶南瀛。陸寶可富。捲握

致盈。南海集。環水而國以百數。柳元宗集

五嶺時其趾。大海環其東。泉水匯于前。羣峯擁

于後。氣象雄偉。蔣之奇州學記。境接羣蠻。地

居海濱。許致撰魏公遺愛碑。清遠地與莫狹。犬

牙相錯。無曠原沃壤。刀耕火種。最為辛勤。無長

溪洪河。肩背擔負。最為勞苦。曾不如新會之一

鄉。莊季裕雖助編廣南風俗。市井坐估。多僧人

七

為之。率皆致富。又倒有室家。故其婦女多嫁於僧。欲落髮則行定。既剃度乃成禮。市中亦製僧帽。止一圍而無屋。但欲簪花其上也。嘗有富家嫁女。大會賓客。有一北人在坐。久之迎婿始來。宣呼王郎至矣。視之乃一僧也。客大驚駭。因為詩曰。行盡人間四百州。只應此地最風流。夜來花燭聞新燕。迎得王郎不裹頭。如貧下之家女。年十四五。即使自營嫁裝。辦而後嫁。其所喜者。父母即從而歸之。初無一錢之費也。

連州 風俗郡縣志漢志云。火耕水耨。民食魚

八

稻。信至鬼重。注祀唐韓愈送區冊序云。陽山天下之窮處也。陸有丘陵之險。虎豹之虞。水有江流悍急。橫波之石。舟上下失勢。破碎淪溺者。往往有之。縣郭無居民。官無丞尉。夾江荒茅篁竹之間。小吏十餘家。皆烏言夷面。始至。言語不通。畫地為字。然後可告。以出租賦。奉期約。又詩云。逾嶺到所任。低頭奉君候。酸寒何足道。隨事生蒼虎。遠地觸塗異。吏民似猿猴。生獐知愈恨。辭舌紛嘲囀。白日屋簷下。雙鳥聞鵲鵲。有蛇類兩首。有蟲羣飛遊。窮冬或搖扇。盛夏或重裘。颶

起最可畏。旬時歟陵丘。雷震助光怪。氣象難比倖。疫癘忽潛攜。十家無一瘳。猜嫌動置毒。對按輒懷愁。輿地紀勝日出先照。名陽山。九城志宋高祖世。始折桂陽為小桂郡。後以州統縣。更名如今。制也。郡從嶺。州從山。而縣從其類。劉禹錫連之為州。以山得名。劉禹錫此。於天文。為荊州同星。分由壤制與番禺相大牙。觀民風與長沙同祖習。劉禹錫刺史廳壁記。林富桂檜。土宜陶旋。石倖琅玕。水孕金碧。同上。邑東之望曰順山。云云。順山。以降。無名而相故者。以萬數。

九

迴環臂繞。迭高爭秀。西北朔拱于九疑。劉禹錫記。城下之浸曰湟水。云云。由湟川之外。支流而合輪以百數。淪漣油流。劈山為渠。東南入于海。劉禹錫記。荒服之善部。而裔之京墟。山秀而宣。靈液洋溢。故石鍾乳為天下甲。歲貢三百銖。象鮮而騰。卉物柔澤。故時魚為三服貴。歲貢十筭。林富桂檜。土宜陶旋。故侯居以壯閑。石倖琅玕。水孕金碧。故境物以荒閑。環奉密林。漱清儲陰。海風吹溫。交戰不避。觸石轉柯。化為涼颿。城廐精風。路高負陽。土伯嘯濕。抵堅而散。裝山逗

谷。化為鮮雲。故罕雁嘔泄之患。五有華峰之盛。
信云云也。見劉禹錫記。鍾乳為天下甲。見上地

廣數百。橫制南服。劉希孟新建架閣庫記。地大

民衆。過於諸郡。山川之秀。風氣之和。與中土相

似。劉勰鼓角樓記。連之山秀水清。卓有可愛。歐

陽知諱宣詔堂記。熙平古郡。地控荆湖。峻峯浩

流。騰輝吐秀。唐礪西園記。連介楚越間。號為會

衝。秦置湟關。漢兵下湟水。皆其地。賈休閔武亭

十

記。湟川八景。一曰雙溪春漲。二曰龍潭飛雨。三

曰楞伽曉月。四曰靜福寒林。五曰巾峯遠眺。六

曰秀岩滴翠。七曰圭峯晚靄。八曰屢湖疊嶺。張

南軒有賦。荆粵之偏。是惟連州。土壤寒植。溪曰

岑峻。奇峯怪石。森若圖繪。湛烈興造記。連江山

之嘉郡。鄭俠重修車陵記。地接湖湘。無土山濁

水。秀微之氣。凜然浮空。武陽東新學記。連山古

所謂以山水之勝。名其郡者也。彭景海陽湖十

二亭記。山水之美。見稱於天下。北接九疑。南連

衡嶽。其清粹秀爽之氣。鍾為勝聚。賢傑繼出。歐

陽經雲間亭記。谿山鍾美。風俗醇厚。視南方為

佳郡。朱藤石路記。連之為郡。舊號小桂。昔為湖

南勝地。今著名南越。湟川集序。湟川山水佳麗

為嶺南十四州之冠。歐陽實薛氏三經記。人物

富庶。商賈阜通。常有小梁州之號。陳若冲連山

縣記。連為荆湖衝要。蔡齊臺梁守祠堂記。昭桂

連賀。本屬湖南。長編云。開寶三年。王師克連州

南漢主。云云

陽山縣。風俗湟川圖志。蓋聞郡邑治所。必有

十一

名山巨川。為之限隔。故民生其間。風俗亦異。今

考之陽山一邑。風俗。其民性硬直。慕義向化。歲

時節序。則陳鄉禮以集會。男業耕稼。商賈女慕

蠶桑。組織其俗。古稱易治焉。

氣候

本府圖經志。衡嶽之山。衍為五嶺。自大庾南至

于羅浮。地益卑下。春夏之交。溟海挹潤。風暮北

而朝南。時春寒而秋熱。一歲之間。暑熱過半。窮

冬大晴。或至揮扇。晴晝則多燠。雨夜則多寒。盛

夏多雨。即復淒寒。一日之氣候。或至屢變。於是

有急脫急著。勝服藥之誼。李西美廣南攝生方

謠。有曰。嶺南瀕海。地卑而土薄。故陽燠之氣常

泄。而陰濕之氣常盛。二者相薄。此瘴癘之所由

生也。陽氣泄。故四時常花。三冬少雪。蓋是嶺南諸州通號瘴鄉。然隨地所處。固有淺深。其山林回複。草茅障蔽。炎氣鬱蒸。嵐霧屢薄。故為害也深。若乃瀕海之地。氣恒舒泄。則瘴癘亦少。廣州南並大海。東西二江挾而趨焉。地頗夷曠。四山平遠。故視他州得為善地。至於商旅氓隸。觸熱征行。與夫飲食失節。不善攝養者。或自有以以取之也。若夫四時風候。與中州不同。其風之暴者。謂之颶風。颶風將作。有斷虹之兆。曰颶母。颶風者。具四方之風也。故其初作。必自東而北。自

十三

北而西。自西而南。乃定。謂之回南。蘇過颶風賦是也。又有石油風。兆與颶風同。但颶風起。止俗謂對時。石油風則例三日如期而發。初日甚鉅。次日漸微。故號三晡石油。他如海氣腥。亦暴風之兆。舟人徒舟避之。大舶凍凍。雲脚疏直。謂之風路。俟收斂舟乃行。三月以後。為梅風。四月為小信。朱明氣至。後為大信。舟來自海南歸閩浙。送風而行。謂之來冬。南海志南自衡岳。分為五嶺。清淑扶輿之氣。鍾焉。溟海挹潤。溫風徐來。是謂東南之仁。氣遷俗隨。霜露時降。人居若東西

州。唐已然矣。二氣相薄。間有不齊。風暮北而朝南。時春寒而秋熱。於是有急脫急著。勝服藥之謠。此氣候變態然耳。大抵自江以南。地率卑濕。循嶺以下。海氣尤蒸。春夏之交易。有壅閼狀底之患焉。

陽山縣 氣候湮川。圖志陽山僻在山間。朝則煙霏霧合。夕則瘴癘深翳。是以秋夏多溫風。鬱氣。冬春雨雪不時。乍寒乍暑。氣候不齊。冒之則成疾焉。

戶口

十三

本府圖經志洪武十年分終數。本府南海等八縣。總計一十八萬六千五百八十三戶。六十五萬九千二百八十八口。

永樂元年。年人戶一十九萬五千二百五十一戶。人丁男婦六十一萬一千七百六十四口。郡縣志唐開元。戶四萬三千二百三十。宋元豐。戶一十四萬三千二百六十一。輿地紀勝。戶計七萬五千九百單二戶。南海志廣州為嶺南一都會。戶口視他郡為最。漢而後。州縣沿革不同。戶口增減亦各不一。大抵建安東晉永嘉之際。至

唐中州人士避地入廣者衆由是風俗革變人民繁庶至宋承平日久生聚日盛自王師滅宋平廣以前兵革之間或罹鋒鏑或被驅掠或死于寇盜或轉徙于他所不可勝計至元二十七年朝廷籍江南戶口方見定數比年官府肅清盜賊甯息人皆安生樂業故廣之生齒日蕃戶計日增矣前漢戶一萬九千六百一十三口九萬四千二百五十三後漢戶七萬一千四百七十七口二十五萬二千八百八十二晉戶三萬七千四百八十一宋戶八千五百七十四

十四

口四萬九千一百五十七隋戶三萬四百八十二唐戶四萬二千二百三十五口二十二萬一千五百宋主戶六萬四千七百九十六客戶七萬八千四百六十三淳熙主戶八萬二千九十客戶一十萬三千六百二十三口二十五萬五千八百七十七元至元二十七年抄數戶一十七萬二千二百八十四僧道一千八百單五名大德八年報數戶一十八萬八百七十三南人戶一十八萬三百二十三北人戶五百五十僧道一千八百單五名僧尼行童一

千六百四十三名道士女冠一百六十二名錄事司戶一萬一十三南人戶九千六百四十一北人戶三百七十二僧道四百一十七名僧尼行童三百八十七名道士三十名太平寰宇記蟹戶縣所管生在江海居於舟船隨潮往來捕魚為業若居平陸死亡即多似江東白水郎也盧亭戶在海島中乘舟捕海族蠔蜆蛤蜊為業南海縣圖經志計五萬八千三百六十八戶一十八萬八千六百三十九口永樂元年人戶七萬八千八百五十八戶人丁男婦二十五萬三千五百五十六口南海志戶六萬七千一百六十六南人戶六萬七千一百六十六北人戶無僧道二百九十五名僧尼行童一百九十名道士女冠一百五名番禺縣圖經志計三萬三千一百一十戶一十萬九千四百八十七口永樂元年人戶二萬七千一百四十四戶人丁男婦六萬八千三百七十四口南海志戶二萬七千六百四十一南人戶二萬七千四百九十北人戶一百五十一僧道三百一十一名僧尼行童

十五

二百八十六名。道士女冠二十五名。

東莞縣國經志計二萬六千七百八十二戶。九萬一千二十口。

永樂元年。人戶二萬四千五百一十九戶。人丁男婦七萬四千一百四十二口。南海志戶二萬四千三百九十八。南人戶二萬四千三百九十四。北人戶四。僧道三百七十四名。僧尼三百五十四名。道士二十名。

新會縣國經志計三萬二千四百一十四戶。一十三萬五千九百三十三口。

七

永樂元年。人戶三萬四千一百九十六戶。人丁男婦一十一萬五千五百四十四口。南海志戶三萬九百一十三。南人戶三萬九百一十三。北人戶無。僧道一百三十八名。僧尼行童一百單八名。道士三十名。

增城縣國經志計一萬六千一十三戶。五萬五千二百六口。

永樂元年。人戶一萬三千七十二戶。人丁男婦三萬九千九十六口。南海志戶七千六百二十八。南人戶七千六百二十六。北人戶二。僧道一

百六十二名。僧尼一百四十二名。道士二十名。香山縣國經志計七千八百七十戶。二萬六千八百二十口。

永樂元年。人戶七千四百一十六戶。人丁男婦二萬七千八百六十二口。南海志戶一萬一千三百六十九。南人戶一萬一千三百四十八。北人戶二十一。僧道六十八名。僧尼四十三名。道士二十五名。

清遠縣國經志計四千三百二十三戶。一萬六千八百七十口。

七

永樂元年。人戶三千八百三十六戶。人丁男婦一萬四千一百三十四口。南海志戶一千七百四十五。北人戶無。僧道四十名。僧尼二十八名。道士一十二名。

連州。戶口。涅川志按舊地理志。本郡在隋領九縣。為戶一萬二百六十五。在唐領三縣。為戶五千五百六十三。疆域有廣狹。民數隨之。無足怪也。元朝混一區宇。仁同畿甸。列聖愛養黎元。歲登生齒。積而至于元祐。為戶五萬。見劉勅鼓角樓記。已九倍於昔。中更李金陳峒之擾。蕩析

離居。閭今在城街巷之故趾。大不如古。外鄉之邊徭峒者。時遭剽掠。往往流散逃亡。如桂陽之同官。陽山之通儒。皆饒沃之地。或數里無人煙。以故版籍視昔減少。勞來還定存乎人焉。姑撫近數以備考焉。

永樂元年。人戶五千二十八戶。人丁男婦一萬七千七百二十九口。郡縣志。唐戶八千三百。宋戶三萬六千九百四十二。九域志。主三萬四百三十八。客六千五百。

六

五十三口。湟川圖志。舊桂陽州及陽山縣原管三千戶。舊連州及連山縣尚不下三千餘戶。皇朝革去連桂二州。及連山縣併在陽山一縣。自洪武元年歸附。第次取勘。至洪武八年。總計戶七千三百四十一戶。男子婦女計三萬三千八百四十五口。

永樂元年。人戶七百六十七戶。人丁男婦二千三百三十四口。湟川志。主戶二千六百二十八口。計二千九百八十二。客戶二百九十一。口計三百二十三。徭峒。管山徭峒三十六。計四

百五十五戶。一十戶係佃戶。納田稅不係身稅。四百四十五戶無田業亦不係丁稅。東村峒一十一戶。在縣北二十里。水流出陽山縣柏陵里。路出鴉子水口。南木峒管二十七戶。在縣北一十八里。水流入石穴不出。路出新村。潭頭峒管三十七戶。在縣北一十八里。水流出黎屹大水。一路出陽山縣。下階峒管三十九戶。在縣北一十九里。水流入穴不出。路出馬水係柏陵管。徭山峒管一十戶。在縣北二十三里。水流出桃川里。路出韶州三寶地。船平峒管

九

四戶。在縣北二十四里。水流出陽山縣桃川里。盧田峒管一十二戶。在縣北二十五里。水流出小車。一路出郴州黃莽山。神後峒管七戶。在縣北二十五里。水流入石穴出陽山縣。高峒管七戶。在縣北二十二里。水流入石穴通陽山縣黃萬村。東嶺峒管六戶。在縣北三十三里。水流入石穴。路通白芒村。動子峒管一十戶。在縣東二十里。水流入石穴。路通桐臺驛。黃田峒管一十二戶。在縣東二十里。水流入石穴。路通動子嶺山。桐臺驛。輝困峒管六戶。

東一十五里。水流入石穴。一路陽山縣。黃公
 平洞管五戶。在縣東一十八里。水流入石穴。路
 通輝因。一路入錢場洞。錢場洞管六十二戶。
 在縣東二十里。水流入石穴。一路通安樂里。
 高車洞管七戶。在縣東一十三里。水流出茂陽
 里楊梅村。一路西通陽山縣。小洞管八戶。在
 縣東二十里。水流入西南通透大江。鬱風洞
 管七戶。在縣東二十里。水流入安樂里小江。
 苦竹洞管四戶。在縣東一十八里。水流入小江。
 一路通小江下保。一路通陽山縣。欽岡洞管
 十三戶。在縣東一十七里。水入石穴。一路西通
 萬安里。魚良洞管一十戶。在縣北一十八里。
 水流入胡珠。路通陽山縣柏陵里。白芒洞管
 二十戶。在縣東一十五里。水流入輝湖塘。沙
 羅洞管二十一戶。在縣西南四十里。水流入陽
 山縣黃良路東南通桐臺驛。大坑洞管六戶。
 在縣南三十里。水流入黃良水。師姑洞管五
 戶。在縣南三十里。水流入黃良水。一路南通出桐
 臺驛。帶頭洞管六戶。在縣南二十八里。水流
 入黃良水。路南通桐臺驛。成家池洞管七戶。

在縣南三十五里。水流入黃良水。路西通桐臺
 驛東北通驛路。古武洞管七戶。在縣西南二
 十五里。水流入浪溪路。通廊家村。長屹洞管
 二戶。在縣南四十里。水流入新定里。路通沙羅
 洞。高洞管七戶。在縣南三十二里。水流入橫
 山洞。東北通官田保。橫山洞管八戶。在縣南
 二十里。水流入陽山縣安樂里。何平洞管一
 十九戶。在縣東二十里。有小坑水流入火炭溪。
 高車洞管一十三戶。在縣東北一十五里。有
 水通入石穴。東路通桃江水。坑半洞管五戶。在
 縣南三十里。有小水通出牛鼻西北。路通新定
 里。見溪洞管二戶。在縣南三十五里。有小坑
 水流入連波江水。黃蘗洞管三戶。在縣北二
 十五里。有小坑水流入穴。西南路通官落水。戶
 口稅賦。詳見本州。
 連山縣。永樂元年。人戶四百五十五戶。人丁
 男婦九百九十三口。涅川志。主戶一千四百一
 十四。口計二千一百單六。客一百五十七。口計
 三百一十八。徭洞。山徭洞六。計三十三戶。
 不係租賦。小梭洞管一十五戶。在縣東。去州

九十里。曹溪峒管四戶。在縣東遵教里。去州一百二十五里。板峒管二戶。在縣東遵教里。去州八十五里。下瀧峒管五戶。在縣北上吉里。去州八十五里。白沙峒管五戶。在縣西北白沙里。去州一百里。春峒管二戶。在縣西北白沙里。去州一百里。戶口賦稅詳見本州。

田賦

本府圖經志洪武十年分終製。本府南海等八縣。諸名項官民僧道學院等田地塘。總計三萬六千頃三十三畝六分一厘一毫七絲四忽四

三

微五塵九埃。每畝料米不等。計正耗米一十四萬一千一百六十六石九斗九升四合七勺五抄八撮四粟七微六塵六埃。官田五百五十七頃三十六畝八分六厘二毫一絲五忽三微九塵。每畝料米不等。計正耗米一萬一千二百八十九石一斗五升三合三勺二抄九撮七圭九粟四微四塵一埃。學院田七伯九十三頃七十二畝三分九毫六絲八忽。每畝起料米不等。計正耗米一萬七千零八石六斗二合二勺三抄一撮五圭二粟。僧道田一千四百六十

七頃一十二畝七分五厘四毫。每畝料正米五升。計正耗米七萬八千四百四十九石一斗三升二合三勺三抄九撮。民田地塘三萬一千三百二十三頃四十畝二分三厘九絲一忽六塵九埃。每畝料米不等。計正耗米九萬九千五百十三石九斗五升四合一勺五抄二撮二圭三粟三微一塵五埃。寬民田一千八百五十八頃六十一畝四分五厘五毫。每畝料正米三升。計正耗米五千九百六十六石一斗五升二合七勺五撮五圭。夏稅。哇桑附。本府南海等八

三

縣總計麻麥地七十頃一十五畝三分七釐五毫。麻地九頃四十畝六分。每畝料麻八兩。計科麻四百七十七斤四兩八錢。麥地六十頃七十四畝七分七厘五毫。計正耗麥一百三十石一勺八抄五撮。哇桑四萬七百五十一株。永樂元年。官民田地山塘七萬六千八十六頃五畝三分六厘二毫。夏稅。豆八斗九升一合一勺。小麥七百九十一石一斗三升一合五勺。秋糧米二十九萬六千六十三石六斗九升二合五勺。稅賦南海志什一取民。古之

制也。漢晉而下。立法不同。唐自租庸調法既壞之後。兵戈日興。土狹費廣。陌錢間架之類。往往民病。宋行願役之法。故於田稅之外。又有夏役。秋役。茶錢。賞給之需。商稅之外。復有地基河渡。銀場經制之目。名件不一。民以為病。元朝混一。首以寬民力為第一義。凡宋無名之賦。一切蠲除之。廣為極邊。愈加優卹。惟種田納地稅。買賣納商稅。商稅三十稅一。魚鹽舶貨之征。隨土所有。自此之外。秋毫不擾。今將稅賦名件疏列于後。附以前代諸色科名。以記沿革。稅糧 本

田

路一司七縣 田土 田錢一百七十五貫二百四十五丈四分。計正耗米一萬二千四百三十四石六斗二升五合四抄三撮。正米一萬一千六百二十一石一斗四升四合九勺。鼠耗分例米八百一十三石四斗八升一勺。四抄三撮。稅戶二萬八千一百七十七戶。丁二萬三千一百二十八丁。米一萬四千五百三十九石六斗三升八勺。正米一萬三千七百三十一石三斗四升。鼠耗分例米九百六十一石一斗九升三合八勺。客戶三萬八千三百三

戶。丁三萬八千三百三丁。計正耗米四千七百三十三石六斗二升三合七勺。正耗米四千四百八十九石五斗一升。鼠耗分例米三百一十四石二斗六升五合七勺。錄事司民糧一百七十六戶。田錢二貫二百九十九文五分。計正耗米一百五十六石七斗一升三合八勺六抄九撮二圭。正料米一百一十七石八斗六升二抄九撮二圭。正米一百一十石一斗四升九合五勺六抄。鼠耗分例米七石七斗一升四勺六抄九撮二圭。包納米三十八石八斗五升三合八勺四抄。正米三十六石三斗一升二合。鼠耗分例米二石五斗四升一合八勺四抄。舊志稅賦 田錢一千三百九十一貫有奇。茶錢二千一百三十八貫有奇。夏秋料役錢共四萬四百二十四貫有奇。田米舊管五萬六千一百九十七石有奇。今管四萬八百四十石有奇。丁米舊管一十二萬二千二百四十八石有奇。今管一等至四等六萬五千七百六十三石有奇。餘係五等。都稅務額解錢八萬二千五百四十九貫有奇。增城縣市

務稅錢四千六百六十一貫。清遠縣市務稅

錢三千六百二十上貫。懷集縣市務稅錢六

百四十四貫。東莞縣市務稅錢二千二百八

十八十二貫。新會縣市務稅錢四千八十八

貫。扶胥鎮稅錢四千四百六十七貫。西南

道場三千九十九貫有奇。吉利場二千五百

五十九貫有奇。金斗場二千八百四十六貫

有奇。石壁場一千九百五十五貫有奇。甯

口場八百二十貫有奇。曲隆場三百三十九

貫有奇。香山場五百單七貫有奇。東莞場

靜康場 歸德場 姓峒場 官富場 海晏

場 橫崗場 石疆場 以上八場全年額催

稅錢總計二千一百七十六貫有奇。嘉定元年

經畧陳舍人覲以為僻遠非商賈經由之地。歲

入無幾。徒為民害。悉行除罷。內東莞靜康歸德

海晏四場。元係管催煎鹽課。自仍其舊。

南海縣圖經志諸名項田地塘七千五百三十

頃八十七畝八分九厘五絲七忽六微五塵九

埃。每畝料米不等。計正耗米三萬二千四百四

十八石九斗五勺二抄四撮八圭四微五塵五

埃。官田二百一頃八十五畝二分九厘六毫

七絲一忽九塵二埃。每畝料米不等。計正耗米

四千九十八石一斗七合九勺六抄一撮七圭

一粟六微三塵五埃。一等官租廣恩館田一

百一十七頃四十八畝一分。每畝料正米一斗

九升。計正耗米三千三百八十八石。一等公

田一十頃九十畝三分。每畝料正米三斗二升

計正耗米三百七十三石三斗一升八合七勺

二抄。一等沒官田七十三頃四十六畝分

九厘六毫七絲一忽九塵二埃。每畝料正米一

斗七升。計料正耗米一千三百三十六石四斗

五勺一抄一撮七圭一粟六微三塵五埃。學

院田二百二十六頃七十九畝四分。每畝料正

米二斗。計正耗米四千八百五十三石三斗九

升一合六勺。僧道田三百二十八頃三十五

畝六分。每畝料正米五升。計正耗米一千七百

五十六石七斗四合六勺。民田地塘六千七

百七十三頃八十七畝五分九厘三毫八絲六

忽五微六塵七埃。每畝料米不等。計正耗米二

萬一千七百四十石六斗九升六合三勺六抄